

宋

會

要

特恩除職下

欽宗靖康元

年二月六日詔太學生雷觀進士張炳上書論事可嘉
並與同進士出身除館職 三月二十日通判澤州時
敦除直祕閣以城守有功也 四月十五日詔宗正少
卿陳珣直祕閣知廬州 十六日知應天府杜克為集
賢殿修撰知隆興府 二十二日詔中大夫提舉亳州
明道宮錢歸善為集英殿修撰 二十九日詔中大夫提

點京畿刑獄林積仁直祕閣知平陽府 五月二日詔
祕書少監係近為祕閣修撰知婺州 三日詔大理寺
丞唐璟直祕閣管勾南京鴻慶宮其後璟父中書侍郎
恪三辭恩命從之 十四日朝散大夫直祕閣京東路
轉運副使黃厚直顯謨閣 六月一日尚書右司員外
郎解習直龍圖閣知河陽以上續國朝會要高宗建炎
二年二月十三日詔權發濮州楊粹中除直祕閣以粹
中率官吏軍兵守城禦賊閱月解圍故有是賞 八月
十九日發運使梁楊祖措置茶鹽就緒詔特授徽猷閣
直學士 三年五月十一日祕閣修撰知廬州胡舜陟
禦盜有勞詔陞集英殿修撰 二十日詔曾紆除直祕

閣時言者以紆故相曾布之子寄居湖州苗傳作亂諸路勤王檄至守倖猶預不決紆首明大義理宜褒錄故有是命四年正月十五日詔直徽猷閣宋輝除直龍圖閣時御舟駐章安輝自秀州金山村運米八萬餘石絹十餘萬匹錢十餘萬貫到行在上諭宰執曰朕一行人甚有所賴可除待制呂頤浩以為太峻故有是命三月二十日詔知福州程邁應副行在錢物有勞除徽猷閣待制五月一日臣僚言祖宗時特重職名未嘗妄予有貼以祕職者亦未必皆馴致從班也略舉一二如馬亮官至尚書乃今光祿大夫而職止於集賢院學士程師孟官至給事中乃今通議大夫而職止於集

賢殿修撰自餘或以列卿直昭文館或以丞郎直史館
皆終其身為之豈敢妄獻功狀人人必欲得待制而後
意滿哉邁知福州不能體陛下播告勤恤之意裒歛貢
獻民不堪命當治其罪而賞以次對之職臣恐內外侍
從有職之士見邁本文俗之吏歛陛下之財以售陛下
從官必皆羞與之為列矣欲望將邁所加之職亟賜改
正以清次對之選以謝長樂之民仍乞詔執政大臣監
司帥守應辦軍期有勞者依祖宗舊制止進階官俟有
大功顯効間加職名庶幾名器增重艱難之際人益知
勸詔前降除待制指揮更不施行餘令三省遵守 七
月十一日詔承議郎范正興在劉光世軍中累年頗著

勤績特除直祕閣

九月十一日詔知興元府張上行

直龍圖閣以知樞密院事宣撫處置等使張浚言上行

知夔州二年當湖南盜賊充斥能增修閘隘保全一路

為永久之利乞除修撰知興元府故有是命 十一月

一日詔朝請郎王宰朝奉郎通判邠州孫恂並除直祕

閣決府西路轉運判官從知樞密院事宣撫處置等使

張浚之請也 十一月五日詔福建路轉運判官魯詹

造甲募船糴米備見宣力可特除直祕閣十二月十六

日詔直祕閣權知越州陳汝錫職事修舉除直顯謨閣

紹興元年五月十六日詔知夔州韓迪除直徽猷閣

以宣撫處置使張浚言桑仲侵犯歸州迪捍禦無虞功

績顯著故也

九月二十一日詔直顯謨閣江南東路

轉運副使曾紆直寶文閣以紆自言崇寧初蔡京用事

父布首被貶責父子同入黨籍紆送永州編管乞優贈

父以辦是非之實紆於是進職二十三日詔知太平

州郭偉特除職再任以郡民列狀舉留故也同日詔

權發遣兩浙路計度轉運副使劉寧止特授直龍閣以

應辦軍須有勞故也十月十四日詔寶文閣待制知

廣州林通當苗傳劉正彥之時首致仕不出可除龍圖

閣直學士以寵圖閣直學士以寵其節十七日詔江

淮路招討使司幹辦官通判常州事郝漸隨軍幹辦備

宣忠力可除直祕閣從招討使張俊請也續臣僚言

從軍微勞不足進職遂請前命

二年六月二日詔宰

臣呂頤浩男抗摭並除直祕閣旌其功而錄其嗣也

九日徽猷閣直學士成都府路安撫使王似除顯謨閣

直學士仍再任以知樞密院事宣撫處置使張浚言似

選練軍馬創置將分應辦軍須整備器械有勞乞優進

職名故有是命 七月十三日詔湖南提點刑獄呂祉

檄韓京吳錫擊破胡元奭知郴州趙不群城守有功賊

衆不能殘破理宜褒賞呂祉可除直祕閣趙不郡可進

直寶文閣 九月二十九日詔承事節通判鳳翔府兼

權陝西路轉運判官董誥除直祕閣 先是宣撫處置

使張浚以金賊犯和尚原誥協力致糧克成大功便宜

黜陟超轉詵奉議郎乞除直祕閣詔從之既而言者以
為賞典過厚尋寢轉官之命而貼職如故云 十三日
詔江西轉運副使韓球竭力職事不避嫌怨可除直祕
閣從宣撫使孟庾請也 三年二月七日詔楊揆特除
直祕閣知楚州 先是楚州數罹寇亂遂成邊隅久不
置守樞密院言揆才故以為楚州守而寵以貼職 三
月十五日詔右承事郎監潭州南嶽廟陳正彙乃瑾之
子可特除直祕閣主管亳州明道宮正彙大觀中嘗告
蔡京罪狀流竄者十餘年至是召對以疾丐歸故有是
命 九月十五日詔左朝請郎權鳳翔路經略司主管
機宜文字陳遠猷特轉兩官除直祕閣以宣撫處置使

張浚言元和尚原之役遠猷措畫有勞以便宜轉授
遂從之 十月十八日詔尚書左司員外郎王岡除直
祕閣主管臨安府洞霄宮周任宰屬以疲老自言故有
是命 五年正月四日詔福建路安撫使張守知泉州
連南夫比朕親總六師前臨大敵供億調度曾不愆期
宜有褒寵張守除資政殿大學士連南夫除寶文閣直
學士 二月二日詔江西漕臣直祕閣張澄隨岳飛軍
應副錢糧無闕與進職一等 閏二月三日樞密院言
賊馬侵犯淮甸廬州禦敵有功秦州措置得宜理宜旌
賞詔廬州師仇愈除待制知秦州趙康直除直祕閣
七月十五日詔直寶文閣知宣州趙不群可除直龍圖

閣再任旌其治郡之功也 八月十九日詔知衢州常
同除徽猷閣待制提舉江州太平觀同正祠祿故有是
命 六年九月十六日詔福建提點刑獄呂聰問招捕
賊鄭廣等有功除直祕閣 十月十八日兩浙東路提
點刑獄張九成辭免直徽猷閣言國家故事著作外補
曾此例豈可因臣上忝朝綱所有告命未敢祇受詔改
除直祕閣仍降詔獎諭 七年四月二十一日詔江東
轉運副使俞侯營繕行宮畢役及應副張俊一軍錢糧
無闕特除直祕閣更與轉一官依條回授 十月十一
日詔知楚州胡紉措置有方特除直祕閣 八年三月
八日詔左宣義郎許忻兩經登對特除祕書省校書郎

六月二十七日詔川陝宣撫副使吳玠所遣直祕閣
主管機宜文學高士瑰遠赴行在奏事特轉一官仍陞
職一等十一月十八日詔江西路計度轉運副使達
汝霖蒞事詳明恪勤不急靖而不擾人咸安之特除直
祕閣從本路宣諭李案請也二十五日詔龍圖閣直
學士汪藻編次宣和二年至七年詔旨等文字共二百
三十冊可特除顯謨閣學士九年十月十九日詔朱
芾昨知建昌軍日措置石坡盜賊有勞特與轉行一官
除右文殿修撰十一月十一日詔莫將奉使宣力特
除徽猷閣待制京畿都轉運使兼主管奉迎梓宮一行
事務十一年二月十一日詔徽猷閣直學士江南西

路安撫使梁楊祖措置擒捕虔吉州盜賊有功可除顯
謨學士 四月二十日詔右承事郎張子顏右承務郎
張子正並除直祕閣仍賜章服子顏子正大將俊之子
也 五月二十九日詔王暎昨知單州應副元帥府錢
糧合轉官緣礙止法可除直龍圖閣 十月二日詔寶
文閣直學士樞密都承旨鄭剛中除寶文閣學士今戶
部支賜銀絹各二百匹兩以使蜀故也 七日詔知溫
州程邁職事修舉可特與轉一官除顯謨直學士 十
九日詔秀州打造戈船先辦守臣方滋可特除直祕閣
十二年五月十三日詔軍器監主簿沈諒除直祕閣
盱眙軍措置推場 十月十一日詔劉光世男右承事

郎監潭州南嶽廟堯佐右承奉郎監潭州南嶽廟堯仁
孫右承事郎監潭州南嶽廟正平並特除直祕閣改差
主管台州崇道觀 十七日資政殿學士提舉醴泉觀
兼侍讀鄭億年奏乞外任官祠詔除資政殿大學士提
舉臨安府洞霄宮恩數並依執政 十一月四日 永
固陵攢宮總護使孟忠厚言兩浙路轉運副使張文
閣張匯兩浙東路提點刑獄公事呂用中并本司隨行
漕臣直祕閣權發遣兩浙西路提點刑獄公事張叔獻
提舉兩浙東路茶鹽公事王鈇應辦一行錢糧及脩奉
事務無闕乞推恩詔張匯張叔獻各進職一等呂用中
王鈇除直祕閣 十三年九月十八日詔權發遣嘉州

楊軾上書言和我事文理優長援據精切雖居外服志
在納忠排斥姦言辨明國是智識高遠卓然過人觀其
所陳有補治道可除直祕閣十九日尚書右司郎中
梁弁以病陳乞官觀上謂輔臣曰以病乞去且優與職
名士大夫有操守安分而以疾丐去者少朕嘗觀國朝
寶訓見太宗朝士人有奔競躁進者未嘗不痛抑之抑
奔競則廉耻之道興并可除直龍圖閣主管洪州玉隆
觀十五年十一月十五日詔知平江府王暎應辦國
信館舍宴設為一路之最可除寶文閣學士十六年
四月三日詔知潭州劉昉措置僑人楊再興有功進直
寶文閣十八年六月十二日詔太師尚書左僕射同

卷一百一十五

七十四

中書門下平章事秦孫堪坦並除直敷文閣以檜辭免
加恩故有是命 七月十六日詔太傅鎮南武安寧國
軍節度使充醴泉觀使咸安郡王韓世忠男彥古特除
直祕閣 十九年二月二十五日詔左中奉大夫王賞
除祕閣修撰提舉江州太平興國宮以其無力赴闕陳
乞宮觀差遣故也 二十年二月十一日上曰昨詔監
司郡守任滿並以民事奏陳前廣西提刑路彬上殿奏
乞減免都督府增添靜江府昭州折帛錢可除職名與
見關監司差遣以示激勸 五月十七日詔王牒進書
提舉官秦檜可轉兩官許回授孫塤堪各進職兩等
二十一年三月十九日詔右承議郎直寶文閣主管台

州崇道觀秦墳右宣教郎直顯謨閣秦堪各進職二等
除在京宮觀以扶掖秦檜入朝推恩 二十二年七月
二十九日太師尚書左僕射同中書門下平章事益國
公秦檜孫墳堪各進職一等右承議郎充祕閣修撰提
點佑神觀墳進右文殿修撰右奉議郎直龍圖閣提點
佑神觀堪進祕閣修撰以檜辭免加恩故有是命 十
二月十二日詔少傅寧遠軍節度使兼領殿前都指揮
使職事楊存中男傑除直祕閣與在京觀以存中與陳
乞宮祠故有是命 二十三年八月十一日詔右承奉
郎籍田令楊傑除直祕閣主管佑神觀免奉朝請傑存
中子也 閏十二月十五日詔右承事郎楊傑除直祕

閣

主管佑神觀觀俱亦存中子也 二十四年二月二十

三日詔田公弼轉兩宮除直祕閣賜紫章服公弼大將
師子中也二十五年十月二日右朝請郎張永年進父

閣文集詔以閣身後恩數除直祕閣 二十三日詔秦

檜孫試尚書禮部侍郎兼寔錄院修撰墳數文閣待制
提舉佑神觀堪並除提舉在外宮觀內墳除數文閣直

學士檜薨故也 二十六年五月二日知婺州辛次膺

召赴行在至國門上深欲用之而以脚膝艱於拜跪未

能朝見復乞外任詔與進職依舊還任 十月五日詔

知隨州田孝孫除直祕閣以本路諸司上其治最故有

是命 二十八日詔楊杭曾任元帥府僚屬和議之初

五月二日條
移下五月十
六日條上

上書可採兼累經任使可除直祕閣 二十九年五月

二日詔蕭振在蜀已及一年職事修舉可陞一等職名

二十八年八月十六日詔劉堯仁除祕閣修撰在京

宮觀堯仁以父光世薨車駕臨奠援張俊男子正例陳

乞推恩故也 九月十六日詔汪若海元係大元帥府

補官繳到所與曹輔書除直祕閣改差知江州 二十

九年五月十六日詔直祕閣權發遣成都府路計度轉

運副使王之望除直顯謨閣權發遣潼川府路提點刑

獄公事續腐權知開州三渚並除直敷文閣以臺諫朱

倬等用紹興二十八年正月二十三日詔薦其治狀顯

著故有是命 六月十六日詔右承奉郎田公輔特添

清按二十二年
當是三十一
年之誤

差荆湖北路安撫司幹辦公事仍轉兩官除直祕閣賜
紫章服公輔師中子也 閏六月十五日詔新差荆湖
南路提點刑獄公事万俟卨除直祕閣在外宮祠以父
高入執政避免故有是命 七月四日詔功臣張俊協
濟艱難勲高諸將事上恭順終始一心朕甚嘉之今一
二大將子弟皆已除遷至文武侍從而俊之子猶在庶
僚非朕褒有禮獎元功之意也且賦之以爵秩而不使
任職亦漢光武待遇功臣之制固無咈於公議俊男子
正子顏可除敷文閣待制子仁除集英殿修撰並久任
在京官觀 十二月十一日詔知荊州龔濤措置盜賊
有方轉一官除直祕閣 二十一年二月六日詔知贛

州陳輝除直祕閣再任右正言汪淮列其治最故有是
命以上中興會要 紹興三十二年六月二十四日孝
宗已即位未改元 詔權尚書戶部侍郎吳芾除集英殿
修撰知婺州 七月六日詔權尚書戶部侍郎汪應辰
除集英殿修撰知福州 十三日詔權尚書工部侍郎
許尹除集英殿修撰知宣州 十五日詔恭奉 光堯
壽聖太上皇帝聖旨添差權通判明州趙伯圭除集英
殿修撰知台州 二十八日詔權發遣湖州陳之茂職
事修舉特除直祕閣 九月十七日詔權發遣温州袁
孚特除直祕閣 十月二十七日詔權發遣江南東路
提點刑獄公事葉謙亨按刺有方職事修舉可特除直

顯謨閣

十一月十四日詔權尚書吏部侍郎徐度除

右文殿修撰提舉江州太平興國宮從所乞也

同日

詔權尚書禮部侍郎呂廣問除集英殿修撰知池州

十六日詔敷文閣待制知平江府沈介除敷文閣直學

士四川安撫制置使知成都府十八日詔左朝散大

夫提舉江州太平興國宮劉岑改除敷文閣待制依舊

提舉江州太平興國宮岑初除敷文閣直學士知潭州

以殿中侍御史張震章疏故有是命同日詔充集英

殿修撰知潭州董革除敷文閣待制提舉江州太平興

國宮二十三日詔利州路轉運判官張德遠除直祕

閣四川宣撫使司叅議軍事依舊兼利州路轉運判官

權知江州林珣除直祕閣叅知政事行府叅議軍事江
淮東西路宣撫使司主管機宜文字查籥除直祕閣江
淮東西路宣撫使司叅議軍事 十二月四日詔江淮
東西路宣撫使司主管書寫機宜文字張栻除直祕閣
栻浚之子也 十五日詔左朝散大夫錢周林除敷文
閣待制提舉萬壽觀 孝宗隆興元年正月九日詔權
尚書工部侍郎兼權太常少卿王晉除右文殿修撰知
漳州以臣僚章疏論罷故有是命 十八日詔尚書左
司郎中林安宅除直顯謨閣知臨安府 二十八日詔
集英殿修撰知太平州張運除敷文閣學士知太平州
三月二十三日奉議郎張震奏准旨除臣敷文閣侍

制知紹興府臣已兩具辭免伏望聖慈許臣辭職臣方
敢受命前去之任詔張震除職已有成命累上辭免可
與外祠從其本意宜差提舉江州太平興國宮 四月
十五日詔新除權戶部侍郎充川陝宣諭使王之望除
集英殿修撰提舉江州太平興國宮以之望為川陝宣
撫使吳璘已回司以疾丐祠故有是命 二十三日詔
直顯謨閣知楊州向子固特除直寶文閣直祕閣知廬
州韓璣特除直敷文閣以江淮都督張浚奏子固等招
集流移應副軍須故有是命 二十四日詔直祕閣權
平江府陳之茂改除直徽猷閣知建康府 先是除直
顯謨閣避高祖諱陳乞改焉 五月二十二日詔尚書

戶部侍郎趙子滿除敷文閣直學士知明州兼沿海制
置使從其請也 七月一日詔集英殿修撰知福州汪
應辰除敷文閣待制 四日詔直寶文閣權吏知楊州向
子固特除直龍圖閣以張浚再奏招降到莆察徒穆一
行兵屯揚州子固彈壓撫循各有條理故有是命 七
日詔權發遣贛州任蓋言除直祕閣知鎮江府 八月
一日詔試尚書兵部侍郎王大寶敷文閣直學士在外
宮觀從其請也 九月七日詔權發遣兩浙路轉運判
陳漢除直祕閣 十月三日詔知吉州王佐魯任起居
郎治郡有聲可除直寶文閣 同日中書門下省檢正
諸房公事費行之除直寶文閣知漳州府左奉議郎王

准除直敷文閣福建路轉運副使 二十三日詔左中

奉大夫劉章舊係潛邸學官與除祕閣修撰提舉江州

太平興國宮 二十六日詔直祕閣權知盱眙軍周淙

職事修舉與除直徽猷閣 十一月一日詔新除權尚

書吏部侍郎王時升除集賢殿修撰知婺州 同日詔

左朝請郎陳之淵除祕閣修撰 七日詔利州路轉運

判官趙不愚除直祕閣令再任 十二月二十五日詔

權發遣福建路提點刑獄公事何侓除直祕閣知靜江

府 二年正月二十日詔判信州陳康伯已除醴泉觀

使權知信州陳高可除直祕閣令再任 二十三日詔

權尚書吏部侍郎余時言除集賢殿修撰提舉江州太

平興國宮從其請也 二十六日詔權尚書刑部侍郎

路彬除集英殿修撰提舉江州太平興國宮從其請也

二月十四日詔直祕閣兩浙路轉運判官陳漢除直

敷文閣 二十二日詔廣南西路轉運判官鄭安恭特

除直祕閣候收捕盜賊靜日更與陞擢差遣 三月一

日詔中書舍人兼直學士院知建康府張孝祥罷參贊

軍事除敷文閣待制依舊知建康府 二十六日詔直

龍圖閣向子固除右文殿修撰在外宮觀 四月七日

詔左司諫陳良翰除直敷文閣知建寧府 十八日詔

起居舍人馬騏除直敷文閣知遂寧府 五月一日詔

敷文閣待制王應辰除敷文閣直學士四川安撫置制

使兼知成都府 同日詔將作監李端民依所乞除直
敷文閣主管建寧府武夷山冲佑觀 六月二日詔凌
景夏除敷文閣待制提舉江州太平興國宮丁妻明元
係潜邸學官可除祕閣修撰依舊宮觀 八日詔知揚
州周源除直顯謨閣從淮東宣諭使錢端禮薦舉故也
七月三日詔權尚書吏部侍郎周操除祕閣修撰知
太平州 四日詔試兵部尚書兼湖北京西路制置使
虞允文除顯謨閣學士知平江府 五日詔直敷文閣
提舉台州崇道觀 十一日詔直顯謨閣續感累更外
任職事修舉除祕閣修撰 八月二日詔右承議郎韋
璞右通直郎韋璿係 顯仁皇后親姪孫特各與除直

祕閣 九月六日詔知廬州韓璉除直顯謨閣令再任

十五日詔權發遣行昭軍郭淑究心職事可除直祕

閣 十月十三日詔左奉議郎龔茂良除直祕閣知建

寧府 初除太常少卿茂良以嘗言官力辭除命故與

外任 二十六日詔直祕閣充湖北京西路制置司參

謀官呂擢除直徽猷閣知建康府 十一月十二日詔

尚書考功郎中沈度除直祕閣知平江府 閏十一月

一日詔中書門下省檢正諸房公事兼權戶部侍郎王

佐除直寶文閣差知宣州 九日詔集英殿修撰呂廣

問除敷文閣待制兼侍講其請給人從並依權侍郎例

支給 二十六日詔尚書左司員外郎薛良明除直顯

謨閣兩浙路轉運副使 十二月六日詔右通直郎楊

由義除直祕閣差權發遣滁州 十一日詔右通直郎

胡昉除直祕閣差知盱眙軍 乾道元年正月七日詔

戶部尚書兼湖北京西路制置使韓仲通除敷文閣直

學士提舉江州太平興國宮從其請也 九日詔尚書

戶部侍郎晁公武除集英殿修撰知瀘州 十九日詔

權發遣襄陽府張松久任邊郡備見宣力可除直祕閣

二十三日詔尚書度支郎中吳璪除直祕閣知靜江

府 同日詔四川馬政不修續歲可放罷兩浙路轉運

判官陳彌作除直祕閣都大提舉四川茶馬 二月十

七日詔大理少卿李若樸依所乞除直祕閣福建路提

點刑獄公事

二十九日中書門下省奏勘會昨降指

揮陳康伯男偉節除直祕閣安節賜同進士出身續因
辭免將付身於三省激賞庫寄收詔給付本家令祇受

三月三日詔集英殿修撰知衛州劉珙除敷文閣待

制知潭州

同日詔權尚書工部侍郎何補除集英殿

修撰知衛州

四日詔太府少卿李植依所乞除直寶

文閣江南西路提點刑獄公事

同日詔尚書左司郎

中楊民望除直祕閣知綿州

同日詔大理正俞長吉

除直祕閣知盱眙軍

四月十二日吏部奏已降指揮

路彬差知襄陽府疾速起發赴行在奏之任契勘本官
昨任權侍郎二年除集英殿修撰至今通及二年以上

差知襄陽府詔路彬除敷文閣待制 十九日詔權通
判臨安府胡堅常除直祕閣知盱眙軍 五月二日詔
右承奉郎吳柄特轉右奉議郎除直祕閣賜紫章服
十八日詔祕閣修撰添差四川安撫制置司參議官吳
擴除集英殿修撰 二十四日詔祕閣修撰吳摠特與
除集英殿修撰主管佑神觀 二十八日詔左通議大
夫知福州趙子滿依所乞除龍圖閣學士提舉江州太
平興國宮 六月五日詔樞密院檢詳諸房文字吳龜
年除直祕閣提舉福建路常平茶事 十五日敷文閣
待制知明州兼沿海制置使趙伯圭除敷文閣直學士
以伯圭言溫台明州海道有賊出沒已捕獲賊徒自今

海道肅靜故有是命仍令開具立功官兵保明申尚書
省 十九日詔尚書禮部侍郎吳芾除敷文閣直學提
舉江州太平興國宮 七月二日詔太府少卿張宗元
除祕閣修撰主管佑神觀 同日詔大理少卿謝如圭
除直祕閣荆湖北路提點刑獄公事 四日詔直顯謨
閣權發遣臨安府薛良朋警戢盜賊究心職事除直龍
圖閣 十八日詔集英殿修撰權發遣饒州王十朋除
敷文閣待制知夔州 同日詔兩浙轉判官姜詵職事
修舉除直祕閣 十九日詔尚書吏部侍郎兼侍讀陳
俊卿除寶文閣直學士知漳州既而改知建寧府 九
月八日詔敷文閣待制提舉佑神觀兼侍講呂廣問依

所乞除龍圖閣待制提舉江州太平興國宮 十一月
十九日詔左朝奉大夫任慥除直祕閣潼川府路轉運
判官 十二月二日詔尚書工部郎中富元衡除直祕
閣在外宮觀以元衡引年乞致仕故也 二十一日詔
權知秀州孫大雅發摘姦伏職事修舉除直祕閣 二
年二月十二日詔左司諫汪涓乞在外差遣可除直敷
文閣江南西路計度轉運副使 十三日御筆陳天麟
除集英殿修撰知饒州天麟權尚書吏部侍郎請祠也
三月二十九日詔湖南廣帥漕憲臣措置收捕李金
等賊徒並應付錢糧有勞敷文閣待制知潭州劉珙除
敷文閣直學士直祕閣荆南路轉運副使鄭安恭除祕

閣修撰荆南路提點刑獄公事王彥洪廣東路提點刑
獄石敦義並除直祕閣 四月十九日詔權發遣廣南
西路提點刑獄公事張維除直祕閣知靜江府 五月
九日詔權發遣兩浙路計度轉運副使王炎除直敷文
閣知臨安府 同日詔直顯謨閣權發遣楊州周淙除
直龍圖閣令再任 五年二月四日以淙知臨安府職
修舉詔除祕閣修撰 六月四日詔尚書兵部郎中張
行成以疾丐外兼進易書可採除直徽猷閣知潼川府
六日詔潼川府路提刑王趯除直祕閣知廣州填見
闕 九日詔直祕閣權利州路提點刑獄公事張德遠
除直敷文閣都大主管成都府利州等路茶事兼提舉

四川等路買馬監牧公事

十二日詔給事中錢周材

辭召命乞休致故有此除也

十三日詔尚書右司員

外郎韓元吉除直祕閣江南東路轉運判官從其請也

七月一日詔試吏部侍郎陳之茂除徽猷閣直學士

知建康府

同日詔國子祭酒邵知柔除直寶文閣江

南東路轉運副使

同日知隆興府朱商卿乞宮觀上

覽劄子見自叙發納上供等錢並無拖欠陳乞宮祠上

見銜內不帶職名曰帥臣豈可無職名與直祕閣宮祠

事不必行也

十三日詔太府少卿總領四川財賦軍

馬錢糧趙沂依所乞除直顯謨閣主管成都府玉局觀

八月十六日詔趙知柔依所乞除直龍圖閣主管建

寧府武夷山冲佑觀仍賜銀絹 十月一日詔右中大
夫方滋除敷文閣待制知建康府 十四日權尚書刑
部侍郎章燾以疾乞宮觀詔依所乞除右文殿修撰提
舉江州太平興國宮 二十二日中書門下省檢正諸
房公事沈度以疾乞補外詔依所乞除直寶文閣福建
路轉運使 十一月二十八日詔直敷文閣權發遣臨
安府王炎職事修舉可除祕閣修撰 同日詔直徽猷
閣權知鎮江府呂擢除直龍圖閣候今任滿日令再任
以邦人舉留從本路帥潛保奏也 十二月十日詔新
廣東提刑林孝澤依所乞除直祕閣主管建寧府武夷
山冲佑觀 三年正月一日詔知台州李浩彈壓棟中

禁軍治政有方可除直祕閣 同日詔右朝議大夫直
祕閣兩浙路計度轉運副使姜詵除直徽猷閣 二月
六日詔直祕閣權發遣盱眙軍胡堅常除直敷文閣知
滁州 三月一日詔尚書左司郎中丘鐸除直祕閣知
漳州 十八日詔直徽猷閣權兩浙路轉運副使姜詵
職事修舉可除直龍圖閣 四月十二日詔恭奉太上
皇帝聖旨趙師夔除直祕閣添差台州通判仍釐務
五月四日權兵部侍郎陳嵩蕭乞補外詔除集英殿修撰
知台州 同日詔兩浙東路提點刑獄公事兼權知明
州權主管沿海制置使張津除直祕閣 九日詔權發
遣兩浙西路提點刑獄公事姚憲除直祕閣知平江府

二十四日詔敷文閣直學士左朝議大夫成都潼州

府夔州利州路安撫制置使汪應辰除寶文閣學士

二十五日詔祕閣修撰權發臨安府王炎除敷文閣待

制知荆南府 六月七日詔集英殿修撰都大提舉成

都府利州等路茶事晁公武除敷文閣待制知興元府

充利州東路安撫使 十八日詔尚書戶部郎中莫濠

除直徽猷閣知楊州 七月二十五日詔太常少卿任

文薦除直寶文閣福建路轉運副使 閏七月二十七

日詔給事中兼直學士院兼侍講王臘除敷文閣待制

依所乞在外宮觀 八月十三日詔尚書吏部侍郎李

孟謙除集英殿修撰知衢州 二十三日詔尚書吏部

侍郎史正志除集英殿修撰知建康府 九月二十七

日詔右司員外郎趙彥端除直顯謨閣江南東路轉運

副使 十一月九日詔尚書吏部侍郎方滋除敷文閣

直學士 十六日詔右通直郎權知行胎軍呂企中除

祕閣 二十七日詔左朝請大夫張允蹈除直祕閣與

知州軍差遣 同日詔楊存中諸孫並除直祕閣賜緋

章服弟姪女夫各轉一官內妹師中與除直祕閣選人

比類施行以存中之子倓奏乞依張俊例推恩故有是

命 四年正月二十六日詔左朝請郎程叔達除直敷

文閣知池州 二十七日詔左朝散郎集英殿修撰知

襄陽府陳天麟除敷文閣待制 二月二十二日詔司

農少卿總領浙西江東財賦淮東軍馬錢糧韓彥直除
直龍圖閣江南西路轉運副使 三月九日詔右奉議
郎權利州路轉運判官兼四川宣撫使司參議官王之
奇除直祕閣知興元府兼利州路安撫使 五月二十
一日詔直祕閣江南東路轉運判官韓元吉除直敷文
閣權知建寧府 二十四日詔知果州果介除直祕閣
利州路轉運判官以四川宣撫使虞允文奏介前知彭
州日增廣水利均濟民田故有是命 六月八日詔中
書舍人洪遵除集英殿修撰提舉江州太平興國宮
十二日詔左承議郎王之綱除直敷文閣知袁州 十
三日詔右朝請郎直祕閣權發遣靜江府張維除直徽

猷閣

十八日中書門下省勘會廣西提刑滕厲措置

捕賊有勞詔除直祕閣

七月十九日詔大理少卿周

自強除直祕閣江南西路提點刑獄公事

八月五日

詔提舉福建路市舶程佑之職事修舉可除直祕閣權

廣南東路提點刑獄公事

八日詔起居舍人兼權給

事中黃鈞依所乞除直敷文閣權發遣荆湖南路計度

轉運副使

二十八日詔中書門下省檢正諸房公事

王矩除直寶文閣權發遣江南東路計度轉運副使

五年正月六日詔太常少卿王淪除直敷文閣荆湖北

路提點刑獄公事從其請也

二月二日詔尚書戶部

侍郎陳良弼可除敷文閣待制提舉江州太平興國宮

任便居住

三月三十日詔直祕閣提舉四川茶馬張

松可除直徽猷閣令再任 四月九日詔敷文閣直學

士知太平州吳芾除徽猷閣直學士差知隆興府尚書

吏部侍郎周操除徽猷閣直學士差知太平州 五月

一日詔兩浙路轉運判官劉敏士職事修舉可除直祕

閣陞充副使 六月五日詔直祕閣權發遣淮南路計

度轉運副使沈復職事修舉可除直徽猷閣集英殿修

撰知建康府史正志除敷文閣待制 七月四日詔祕

閣修撰權知臨安府周淙以職事修舉除右文殿修撰

令再任 十一日詔中書舍人汪洵除敷文閣待制依

所乞差提舉江州太平興國宮 八月六日詔國子司

業兼權禮部侍郎程大昌除直龍圖閣江南東轉運副

使十三日詔權知閣州王伯庠除直祕閣改知夔州

九月六日詔大理卿沈度除直龍圖閣知建寧府

十六日詔大理少卿王彥洪除直敷文閣江南東路提

點刑獄公事從其請也十九日詔趙不偁特與除直

祕閣以父檢校少保安慶節度使士籤遺表來上從其

請也二十四日詔權知金州韓曉除直祕閣提舉四

川茶馬十月五日詔尚書吏部侍郎薛良朋除敷文

閣直學士知福州從其請也十一月一日詔直徽猷

閣權知揚州莫蒙職事修舉可除直寶文閣二日詔

新福建路提點刑獄公事趙子英除直敷文閣改福建

路計度轉副使新發遣廣州吳南老新發遣婺州李衡
並除直祕閣差遣如故 四日詔左奉議郎胡銓除集
英殿修撰知漳州 二十一日詔敷文閣侍制成都潼
川府夔州利州路安撫使兼知成都府晁公武敷文閣
待制知泉州王十朋並除敷文閣直學士六年二月二
十九日詔尚書金部員外郎呂企中除直敷文閣淮南
轉運判官兼淮西提刑提點常平茶鹽兼措置屯田填
見闕 三月九日詔尚書戶部侍郎楊俠依所乞除龍
圖閣待制提佑神觀仍奉朝請 十二日詔直祕閣兩
浙路轉運判官姚憲除直敷文閣知臨安府 四月一
日詔尚書度支員外郎蔡洸除直祕閣差權知鎮江府

十六日詔敕文閣待制知平江府徐嘉猷閣直
學士提舉江州太平興國宮任便居住從其請也 二
十二日詔集英殿修撰閻安中除敕文閣待制知遂寧
府 二十九日詔尚書工部侍郎姜誵依所乞除徽猷
閣待制知寧國府 同日詔尚書度支員外郎張松除
直顯謨閣江南東路計度轉運副使 五月十五日詔
直祕閣龔茂良除直顯謨閣權發遣江南西路計度轉
運副使 閏五月三日詔尚書工部侍郎周淙除集英
殿修撰提舉江州太平興國宮 七日詔降授右朝奉
大夫尚書戶部員外郎劉敏士除直顯謨閣知温州
同日詔大理卿兼皇子恭王府直講李浩除直寶文閣

權發遣靜江府 六月四日詔宗正少卿胡裏除直徽
猷閣權發遣江南東路提點刑獄公事太府少卿朱商
卿除直敷文閣判湖北路提點刑獄公事 六日詔太
常少卿趙彥端直寶文殿知建寧府 十四日詔新權
發遣楊州王佐除直寶文閣 二十七日詔中書門下
省檢正諸房公事沈樞除直寶文閣權福建路計度轉
運副使 八月二日詔淮南路轉運判官兼淮南東路
提點刑獄公事俞召虎除直祕閣 四日詔左朝散郎
新知漳州劉度除祕閣修撰 七日詔直敷文閣知臨
安府主管兩浙西路安撫司公事姚憲招收闕額禁軍
措置有方除直顯謨閣 十九日詔戶部尚書魯懷除

龍圖閣學士知婺州從其請也 九月十三日詔尚書

吏部侍郎兼權吏部尚書胡沂除徽猷閣待知處州以

沂請祠故有是命 十七日詔兩浙路轉運判官呂正

已除直祕閣以按獄視田職事修舉故有是命 二十

一日詔左朝散大夫陳良翰除敷文閣待制提舉江州

太平興國宮任便居住 十月六日詔大理少卿周自

強除直敷文閣福建路提舉常平茶事 十二日詔知

泰州兼權提舉淮南東路常平茶鹽公事徐子寅除直

祕閣以職事修舉故有是命 十四日詔權發遣盱眙

軍兼沿邊巡檢使措置權場龔鎔除直祕閣 十五日

詔敷文閣直學士知明州兼沿海制置使趙伯圭除敷

文閣學士以職事修舉故有是命 十七日詔集英殿
修撰提舉江州太平興國宮周淙除敷文閣待制以昨
任京邑績効可觀故有是命 十二月二十日詔權兵
部尚書兼侍讀黃中特除顯謨閣學士提舉江州太平
興國宮任便居住以中乞依舊致仕故有仕是命 七
年正月二十五日詔權知荆門軍馮忠嘉除直祕閣以
任勸諭戶馬同義勇教閱及製軍器有勞故有是命
二月二十四日詔直龍圖閣江南東路轉運副使沈度
除祕閣修撰寧國府長史福建路常平茶事鄭伯熊除
直敷文閣寧國府司馬 二十八日詔權知安豐軍張
士元除直祕閣以久厯遷任職事修舉故有是命 三

月三日詔直敷文閣充江東撫使司參議官韋璞除直
顯謨閣 四月四日詔葉衡起復帥淮西可改除敷文
閣待制樞密都承旨 同日詔直寶文閣權知秀州沈
復直龍圖閣兩浙轉運副使直祕閣兩浙西路計度轉
運副使呂正己除直敷文閣知楊州 二十一日詔廬
州趙善俊除直祕閣以善俊為帥臣未有職名故有是
命 二十五日詔國子祭酒芮燁除右文殿修撰主管
台州崇道觀任便居住以燁請祠故有是命 二十九
日詔江南西路提點刑獄公事陶定除直祕閣以定按
察所部職事修舉故有是命 五月十三日詔都大提舉
川秦茶事買馬趙彥博除直祕閣以職事修舉從四

川宣撫使王炎奏乞旌擢改也 六月五日詔給事中

徐良能除龍圖閣待制提舉江州太平興國宮任便居
住以良能丐祠從其請也 二十六日詔直寶文閣兩

浙西路提點刑獄公事任文薦除祕閣修撰知建寧府

二十九日詔寶文閣待制提舉佑神觀胡銓除祕閣

閣直學士提舉江州太平興國宮以銓丐祠故有是命

八月五日詔中書舍人兼侍講同修國史兼實錄院

同修撰范成大除集英殿修撰知靜江府 十九日詔

知金州支邦榮除祕閣 九月十九日詔虞光亮除直

祕閣 二十三日詔直祕閣知湖州向洵除直徽猷閣

知温州曾逮除直祕閣各以措置賑濟有方故有是命

二十六日權禮部尚書兼侍讀劉章除顯謨閣學士
提舉江州太平興國宮以章丐祠從其請也 十月三

日詔權尚書刑部侍郎兼詳定一司敕令王柎除集英
殿修撰知饒州以柎丐外故有是命 十一月二十一

日詔尚書戶部郎中總領湖廣江西京西財賦湖北京
西軍馬錢糧專一報發御前軍馬文字呂游問除直顯
謨閣知襄陽府 同日詔直祕閣權發遣好昭軍龔塗
除直徽猷閣差遣如故以塗職事修舉故有是命 八

年二月一日詔權發遣秀州丘寔除直祕閣以本路運
使奏寔本州和糴不擾而辦故有是命也 五日詔知
明州兼沿海制置使趙伯圭除顯謨閣學士再任以本

州士庶葉武等乞伯圭再任故有是命 三月二十三

日詔尚書右員外郎兼權刑部侍郎韓彥古除祕閣修

撰知台州 同日詔直顯謨閣權發遣隆興府龔茂良

除右文殿修撰仍再任以茂良採荒有勞故有是命

四月五日詔利州路轉運判官郭儀除直祕閣今再任

十一日詔左承議郎殿中侍御史蕭之敏除直祕閣

權發遣江南東路提點刑獄公事 二十二日詔集英

殿修撰知饒州王柎除敷文閣待制以柎賑濟有勞故

有是命 二十三日詔陳彌作除敷文閣直學士胡仰

除直祕閣並以採荒有勞故有是命仍令彌作開具湖

南州縣協力濟辦官屬姓名聞奏 二十六日詔太常

少卿兼國史院編修官兼實錄院檢討官黃鈞除祕閣
修撰知廬州以鈞丐外從所請也 二十七日詔敷文
閣直學士知荆南府姜詵除寶文閣直學士以救荒有
勞故也 五月十四日詔尚書吏部郎中姚時行除直
祕閣荆湖北路提點刑獄公事以時行丐外從其請也
二十五日詔尚書兵部員外郎高禹除直祕閣淮南
路轉運判官兼淮南東路提點刑獄公事 六月十二
日詔恭奉太上皇帝聖旨直祕閣知徽州趙師夔特除
直徽猷閣 七月十二日詔權發遣舒州兼措置淮西
錢錢許子中除直祕閣令再任以子中朔行措置鼓鑄
錢三十萬數額故有是命 二十一日詔知廬州趙彥

俊除直徽猷閣候任滿日特令再任 二十五日詔權
發遣兩浙路計度轉運副使公事胡堅常除直祕閣權
發遣楊州兼主管本路安撫司公事提領權置屯田
二十七日詔祕直祕閣都大主管成都府利州等路茶
事趙彥博除直顯謨閣仍再任以職事修舉故有是命
八月三日詔太子詹事周標除敷文閣學士在外官
觀從其請也 五日詔中書門下省檢正諸房公事司
馬伋除祕閣修撰權發遣廣州兼主管本路經畧安撫
司公事 二十六日詔權發遣衢州施元之除直祕閣
權發遣兩浙西路提點刑獄公事 二十七日詔真徽
猷閣權發遣江南東路計度轉運副使公事張維特除

祕閣修撰以職事修舉故有是命 十月十四日詔宗
正少卿趙子英除祕閣修撰主管隆興府玉隆觀任便
居住 二十四日詔權知瀘州李壽除直寶文閣 十
一月七日詔權吏部尚書張津除敷文閣直學士提舉
江州太平興國宮 十七日詔寧國府司馬陳損除直
祕閣寧國府長史 九年閏正月三日權樞密院檢詳
諸房文字楊由義除直敷文閣福建路運判官以由義
丐外從其請也 六日詔尚書吏部郎中傅自得除直
祕閣福建路轉運判官以自得求外從其請也 二月
一日詔知隆興府龔茂良除敷文閣待制 二十四日
詔提舉福建路市舶張堅除直祕閣以堅職事修舉故

有是命 三月八日詔直敷文閣福建路提點刑獄公
事呂企中除直寶文閣以企中兼權帥司揀發本路弓
弩手有勞故有命是 四月八日詔司農少卿馮搏除
直徽猷閣成都府路提舉刑獄公事尚書戶部郎中王
全福除直祕閣權荆湖北路計度轉運副使公事國子
司業林光朝除直顯謨廣南西路提點刑獄公事並以
自陳補外從其請也 五月十八日詔尚書戶部員外
郎趙璠老除直祕閣知廬州主管淮南西路安撫司公
事馬步軍都總管兼提領措置屯田 二十七日詔右
朝請郎權成都府路轉運判官張揀除直祕閣朝辭訖
不候受告之任 七月八日詔大理少卿馬希言除直

敷文閣知平江府填見閣

初除祕閣修撰以臣僚論

列興依尋常少卿補外例除職名故有是命

十七日

詔敷文閣待制知泉州汪大猷除敷文閣直學士令再

任 八月一日詔秀王孫添差權通判婺州師龍添差

權通判平江府師垂並除直祕閣差遣如故 十四日

詔敷文閣待制知太平州胡元質除龍圖閣待制令再

任 十六日詔樞密都承旨葉衡除文閣學士知成都

府尚書戶部員外郎總領浙西江東賦淮東路軍馬錢

糧魯逮除直顯謨閣知荆南府 九月十七日詔直祕

閣利州路轉運判官郭儀除直敷文閣利州路轉運副

使 二十三日詔顯謨閣學士知明州兼沿海制置使

趙伯圭除龍圖閣學士令再任以士庶陳南一等言伯
圭到任以來聽訟詳明持心忠厚乞再任故有是命
十月四日詔權兩浙路轉運判官呂楮除直祕閣以楮
勲臣之後充紹家聲故有命 十六日詔中書門下省
檢正諸房公事兼權工部侍郎傅自修除直寶文閣江
南西路計度轉運副使 二十六日詔新知建寧府陳
天麟除集英殿修撰知婺州 十一月四日詔祕閣修
撰兩浙路轉運副使張宗元除敷文閣待制提舉佑神
觀 二十六日詔殿中侍御史陳舉善除直寶文閣知
衢州 同日詔左朝奉郎試給事中兼侍講蘇嶠除顯
謨閣待制知太平州以嶠丐外從其請 二十九日詔

禮部尚書兼太子詹事胡沂除龍圖閣學士提舉江州
太平興國宮任便居住以沂丐外故有是命 十二月
三日詔戶部尚書楊俛除徽猷閣學士提舉佑神觀尚
書吏部侍郎韓元吉除敷文閣待制知婺州八日詔中
書門下省檢正諸房公事韓元龍除直寶文閣權江南
東路計度轉運副使以元龍丐外故有是命以上乾道

宋會要舉士十九

舉遺逸 太祖開寶三年三月十日以處士王昭素為
國子博士致仕昭素開封府酸棗人少為學不仕有志
行為鄉里所稱常聚徒教授以自給博通九經老莊著
易論三十三篇李穆常師事之至是穆薦於朝召至見
於便殿時年八十餘精爽不衰賜座令講易執卦圖訪
以民間事所言誠實無隱帝嘉之尋辭以衰老求歸鄉
里故有是命仍賜茶藥錢二十萬留月餘遣之後卒於
家 五年正月十一日以布衣萬適為盧州慎縣主簿

通兒邱人少好學問工詩其警策多在人口與高錫兄弟及韓王齊名王任翰林學士因召對帝問曰卿卿早卿在嵩陽當時輩流頗有遺逸否王以適及楊璞田結結為對帝悉令召至閣下詔書下而詰卒璞既至對於便殿不願仕進止賜以束帛以此無出身遺還故郡適最後至公車拒之不得見寓居京師半年僅至寒餓王又羅翰林因上言其事故有是命適素康疆無疾館於太醫趙自化家詔下太醫恠其色變因而切脉曰君將死矣適已病猶勉疆赴朝謝舉止山野人皆笑之後數日而卒璞景德四年又遣官賜以茶絹令吏部銓注其子從政近官以便侍養

真宗咸平五年九月十六日以終南

山處士种放為左諫直昭文館放字明逸河南洛陽人
性沈默好學幼能為文不善干進與母偕隱終南山之
豹林谷渟化三年陝西轉運使宋維幹言其才行詔使
召之辭疾不起令京兆府賜錢三萬不奪其志咸平四
年又詔本府就賜緡錢五萬以禮敦遣赴闕復以疾辭
至是使齋詔書賜絹百疋錢十萬就山趣召及至對
便殿帝親撫勞命座與語久之館於都亭驛既命官職
復賜以巾笏袍帶踰年表求歸山命為起居舍人景德
元年復奉朝明年擢為右諫議大夫三年以兄喪請歸
終南山營葬十月復至大中祥符初命判集賢院封泰
山拜給事中從祠汾陰拜工部侍郎自是屢至闕下俄

復還山者數四晚節頗飾輿服廣置田產門人宗族依倚恣橫王嗣宗守京兆京放常來酣慢罵嗣宗屢責放不法於是表請徙居嵩山天封觀側遣內侍就與唐觀基起第賜之八年卒計聞帝親製文遣內侍致祭歸葬終南山贈工部尚書

大中祥符四年二月二十日以

河中府草澤劉選為大理評事致仕賜綠袍韉笏銀帶

及

束帛先是帝將幸巡今州郡搜訪遺逸本府以李清及還名聞並命召對瀆不求聞達以文行著稱鄉里乃以疾辭有詔本府存問之選年七十餘以經傳講授躬耕自給及召見命官帝又作七言詩賜之時又有陝州草澤魏野亦以疾辭不應召命瀆野天禧四年並詔贈著

作郎

七月二十八以宣州布衣陳寬為本州助教本

州言寬經明不仕故也

十一月十五日以京兆府草

澤李遂良為秘書省校書郎復州軍事推官時有言其

苦心文學不求聞達故召試中書而命焉

五年正月

十五日以懷安軍鹿鳴山人黃敏為本軍助教敏明經

學者九經餘義四百九十篇益州路轉運使滕涉以其

書上詔下兩制晁迥等言有可採故也

四月十六日

以邵武軍進士陳度為本軍助教度有文行為鄉里所

推以福建轉運使以闕故也

六月二十九日以湖州

進士許既濟為本州助教既濟詞學為州人所推重兩

浙轉運使得其所著四民論上之故有是獎十一月十

五日以永康軍進士李旼為試祕書省校書郎旼明經

聚徒教授益州以聞故召而命之六年七月十三日

以台州草澤蔣至為本州助教至有素行聚徒教授其

母年八十常躬寫經典以助其子至仍賜其母束帛米

五石十一月十七日以梓州草澤東方自牧為本州

助教自牧表上所著易論故有是獎天禧四年二月

十二日以蜜州莒縣馬著著山明九經楊光輔為國子四

門助教加賜束帛詔長吏常存問之光輔聚徒三十年

知州王博文上言固有是命七月十八日以漢州綿

竹縣助教楊曜為試國子監主簿西州安撫呂夷簡言

曜有名節故也仁宗天聖元年十月二十八日以榮

州進士楊褒和州進士鮮于播並試國子四門助教益州路轉運司言有進士文學乞依敕文收錄故也十一月十八日以眉州進士孫褒試國子四門助教本州言褒有學行故也二年八月初九日以蜀州新津縣處士王潤為試國子四門助教眉州草澤劉沂為試廣文館助教本州各言有孝行故也九月十三日以資州進士宋太和為試國子四門助教本州言太和久在育材山講說經術有聞故也三年三月十四日以益州處士張文蔚王處約並為國子四門助教本州各言高年不仕德行可稱故也十六日以處州處士周啟明為試太學助教本州言啟明年踰七十深隱山谷懷抱才器鄉里推尊故也六年再命秘書郎八年三月初二日以岳麓山書院進士孫胄為潭州助教

本州言胄年七十餘曾應二舉後以養親家貧退居鄉里聚生徒講說經書故也九年四月二日以簡州進士簡融試國子四門助教益州路轉運司言融以講說訓里中年且六十嘗再舉進士有鄉里之譽故也十年五月十六日以福州進士王洵武為試國子四門助教福建轉運司言洵武服勤詞藝篤志典墳故明道二年十二月五日以眉州草澤孫康為試國子四門助教益州轉運司言康所精墳典養素邱園故也景祐元年閏六月十三日以西京國學講進士衛景山為試國子監主簿依舊講書留守言景山文行著稱故也九月二十九日以濮州州學講書進士邊智周為試將作監主簿講書依舊本州言智周服勤講學故也三年四月五日以揚州布衣朱仙民為試國子四

門助教淮南轉運司言仙民年六十行不踰矩眈眈墳史窮覽無遺故也

五月三日以果州進士范陶試國子四門助教梓州路轉運司言陶修詞居敏履行尤高故也十五日以濰州進士范

沐為試國子四門助教京西轉運司言沐年六十六學古為儒居

貧樂道前後四舉文行無優故也六月十七日以永興軍講授進

士高安為試國子四門助教陝西轉運司言安講學甚精實有

文行故也十月十九日以資州進士謝震為試國子四門助教

梓州路轉運司言震素習經典實有文行故也十二月十三日

以天雄軍府學教授王誥興化軍進士茅知魏可並試國子四

門助教本州各言經行醇深故也康定元年十一月一日以草澤

雷子元試祕書省校書郎子元進封事故也二年四月二十八

日以草澤郭京為大理評事陝西都總管司參謀軍事
知涇州滕宗諒薦京久游江南任陝好言兵故也

八

月十九日以秘書省校書郎并淵為鳳州推官益州草
澤張俞試國子四門助教翰林學士王拱辰言淵俞皆
西南之選實林壑之美望垂禮聘故也後拱辰再上言
俞乞改一職官詔為試校書郎俞又乞回授其父顯忠
詔可
十一月初五日以雒州進士劉詠為雒州司士
參軍本州言詠有行實故也
慶歷二年正月八日以
京兆府草澤雷簡夫為試秘書省校書郎陝西差遣陝
西轉運司言簡夫有材故也
十一月十二日以益州
草澤周式為試國子四門助教成都府路轉運司言式

通講五經善誘後學故也

十三日以兗州草澤孫復

為祕書省校書郎國子監直講資政殿學士富弼等言

復經行醇深故也

三年二月以鄆州進士李雍為試

將作監主簿

樞密直學士范仲淹言雍夙懷儒學嘗所

師問故也

四年三月五日以進士劉純為試將作監

主簿

樞密副使韓琦言純屢陳邊事故也

六年二月

四日以益州進士李用章為試將作監主簿本州言用

章有孝行故也

七年七月二十二日以蜀州草澤任

時為國子監主簿致仕參知政事文彥博言時博通墳

典鄉黨推重故也

八月六日以汝州處士孔皎為祕

書省校書郎致仕

皎字寧極居龍山下讀書孝行著聞

鄉里近臣列薦故有是命嘉祐中召為國子直講又起
知龍興縣疾辭不至乃以充祿寺丞致仕五年卒贈太
常丞 皇祐三年十二月二十七日以益州進士房庶
為試校書郎時修製大樂兩制議未決三司使田況言
庶通音律驛召進見所言尺律與眾論不合賜袍笏裝
錢遣之

四年五月二日以太常丞致仕代淵為祠部
員外郎淵字仲顏永康人天聖三年舉進士甲科授秦
州清水縣主簿不赴退居青城山以著書為樂慶歷初
知制誥王拱辰安撫兩川遺書欲起之託疾不往見累
遷太常丞至是前知益州田況復表兩著周易指要二
十卷朝廷優加兩官然終不樂仕

嘉祐元年十月二

十三日以草澤宋堂為國子四門助教堂成都雙流人
性跌蕩不事生業嘗擬陳子昂作感遇詩以諷上建儲
事著蒙書數十篇春秋新意七靈西北民言頗究時務
數為近臣所薦至是翰林學士趙鼎又上其所著書特
錄之十一月十五日以建州草澤黃晞為太學助教
致仕晞字景微建安人少通經尤深易學德性淳朴服
用質儉寓居京師學者多從之聚書萬餘卷討論雙校
寢食不輟所著有聲陽野楊戩論門弟子號曰聲陽先
生慶歷中石介在大學遺諸生以禮聘召之不至前後
薦者自宰相韓琦而下三十餘人至是端明殿學士李
淑上言晞謬學敏文識亦優博晦名安道篤行有守恬

約弗耀見稱時流甚盛淹卹宜被甄獎有臣寮論薦欲

望檢會名補學官庶令訓導諸生敦勸淳俗乃有是命

明年以疾而卒 三年正月九日以福州進士陳烈為

安州司戶參軍烈字甫學行淳古頗通禮書近臣論

薦故有是命召為國子監說書辭疾不至 五月二十

三日以青州草澤疾仲英為國子四門助教知青州龐

籍言仲英年高守道不仕也 七月二十三日以福州

進士周希孟為國子四門助教州學教授知福州蔡襄

言其文行為鄉里所推也 四年七月二十三日以揚

州處士孫侔為試秘書省校書郎克州學教授知揚州

劉敞右正言吳反並薦其材行故有是命治平初以知

制誥沈遘王陶言再命為武忠軍節度推官知滁州來
安縣熙寧初又翰林學士韓維言為常州團練推官辭
疾不起十一月初八日以河南府處士邵雍為試將
作監主簿雍字堯夫衡州共城人徙居河南勤力讀書
著書名曰皇極經世好為詩什有聲壤集至是本府以
遺逸聞乃有是命為潁州團練推官皆辭疾不起熙寧
十年卒贈著作佐郎贈加賜粟帛十二月二十一日
以應茂材異等科曾平為試太學助教以鄆州趙鼎薦
其材故也五年五月十二日以潁州進士常秩為將
作監主簿州學教授翰林學士胡宿等言其文行稱于
鄉里故有是命治平初以知制誥沈遘王陶言又命為

忠武軍節度推官知許州長社縣以疾辭熙寧初詔類
州以禮申諭朝旨敦遣赴闕既至召對命為右正言直
集賢院管勾國子監知諫院為天章閣待制十年卒贈
右諫大夫九月八日以眉州進士蘇洵為秘書省校
書郎成都府路轉運使趙抃言洵學行推于鄉里故有
是命明年命為霸州文安縣主簿修太常因革禮治平
三年卒賜其家銀絹百匹兩子就轍辭所賜求贈官乃
特贈光祿寺丞

六年八月十八日以桂州進士唐子

正為試將作監主簿知桂州吳及言其素通邊畧孝行
著于鄉里也

十月初五日以河中府進士南宗魯為

試將作監主簿陝西都轉運使彭思永言其文行推于

鄉里也

英宗治平二年七月二十三日以三班差使

殿侍崔公度為和州防禦推官國子監直講先是宰臣

韓琦言度博學多聞守道其所為文章雄奇膽逸當

求比於古人而時人未易得也向緣父奏得此名目遂

恬晦不仕為鄉里諸生講說經義一方師表故有是命

公度辭以母老不赴熙寧二年閏十一月淮南轉運司

言公度母喪服除復命為彰德軍節度推官權潁州團

練推官再以疾辭三年召為國子監直講令本郡教遺

明年始就職

十月十八日以成都府進士汪通夫為

試秘書省校書郎陳汝玉除陝西判司簿尉端明殿學

士韓絳言有士行故也

以上國朝會要

治平四年

七月十四日以草澤李達為試祕書省校書郎龍圖閣直學士趙升言達行有鄉譽學通聖經故也十月九

日以進士黃君俞為撫州司戶參軍國子監直講以王珪司馬光等薦君俞博通經藝為諸生宗師又新及進士第許安世等百餘人列狀稱薦遂召試舍人院中等

故也

神宗元豐八年十一月二十七日草澤程頤為

汝州團練推官西京國子監教授以韓絳呂公著司馬光薦也哲宗元祐元年十月四日詔以進士吳師仁

為越州司法參軍克杭州州學教授尹材為虢州司戶參軍田述古為襄州司法參軍蘇邠為邠州司戶參軍並除教授從近臣薦也二年四月十九日以徐州布

衣陳師道為亳州司戶參軍充徐州教授從翰林學士

蘇軾等薦也紹聖三年九月四日詔興化軍葆光處

士張弼為福州司戶參軍充本州州學教授用權禮部

侍郎黃裳等薦也四年五月二十一日詔以眉州進

士家素為綿州司戶參軍充眉州州學教授用翰林學

士承旨蔡京薦也元符三年六月二十七日徽宗即

位未改元以和州防禦推官知壽春縣事充楚州州學

教授徐積特授宣德郎差遣依舊以同知樞密院事蔣

之奇言積詞學登科久不仕官退居山陽以清節為行

為鄉里所高頃奉朝命伴就就鹿州學教授博聞強識士

論歸服以今歲滿罷任嘗乞致仕不報前後從官薦舉

代

自伐者不少。欲望朝廷特與改官再任。不惟東南士人有所矜式。且以崇獎名節。勸勵風俗。吏部侍郎張時民奏稱。孝節過於神明。至誠動於金石。自少至老。風雨不渝。雖古之曹閭。不是過也。朝廷知其賢。累任楚州教授。士大夫知其賢。薦名於朝者前後數十上。其間或欲與積改官。或欲召對。皆未蒙施行。揆猶今年七十四歲。雖有美官豐祿。必不能從事。所以然者。特為朝廷士風。爾欲望聖慈。特賜指揮。檢會前後臣僚所舉為積轉通直郎。差遣依舊。庶使朝廷有右賢尚德之風。陛下有尊德樂道之實。中書舍人曾鞏奏。積躬行古道。尤以孝著。傳覽載藉。兼通世務。但以耳疾不任仕宦。僕召寘太學。使

在師儒之位學者觀其言行自當從化不然命為本州學官亦足使鄉里及鄰里士人有所矜式故有是命

徽宗建中靖國元年十二月二十三日以睦州進士王

昇特授壽州司戶參軍克湖州州學教授以尚書左丞

陸佃言昇義高行美行年五十讀書未娶訪求師友徒

涉千里衆經羣史諸子雜家無所不讀雖佛經道藏亦

皆博釋事親孝奉兄弟乞依陳師道家素等例除昇一

命處之學校以勸多士故也 崇寧二年十二月五日

詔撫州布衣饒子儀為假承務郎不理選限以江西路

監司列薦子儀養素鄉閭博究羣史自秦漢而下皆著

編年之書今年幾八十志學不衰政錄之 四年閏二

月五日以杭州進士蔡寔泉州進士呂珪並授從事郎至三月三十日呂珪為通直郎秘書省著作佐郎崇政殿說書制曰朕特起修潔自重之士待以不次之舉庶幾激高風而矯奔競之俗以尔世族之緒志守不凡超然自拔于塵垢之外比因賜對奏議聞真有足嘉者肆予命汝通藉朝著蒞職文館仍侍經帷之選俾知儒術之道汝其尊尔所聞而惟道徇思稱予所以褒擢之意蔡條國史後補云崇政殿說書祖宗時有之崇寧中初除二人皆隱逸起蔡寔者以嫡子能遜其官與庶兄而不出用其學行修飾召呂珪者亦以高節文學有盛名隱居弗仕數召不至始起仍遂其性乃詔以方士服隨

班朝謁入侍馬亦國朝之盛舉也秦憲除崇政殿說書

月日檢未獲

六日常州進士孫達河南府進士李輝

並特授將仕郎

宣和元年四月二十七日詔饒州樂

平縣免舉進士

夏非寔與上州文學以江東路轉運使

等奏北寔見年七十七熙寧二年發舉不赴省試合該

特進名推恩亦不曾受鄉人稱其孝行委是隱逸不求

聞達保明故也

欽宗靖康元年四月九日詔布衣江

端友為承務郎

賜出身以少宰吳敏言端友隱居京城

東郊素有高行士大夫多稱道之臣頃見吳玠詳言其

養母之孝端友躬耕蔬食守節自重聞頃講議司欲招

之端友不肯就自陞下即位求直言端友當圍城時上

書論事甚衆而終不肯一至公卿之門近者陛下招延
草茅鄒柄任申先尹煇鄧肅之流偶未及端友望特加
官使以風四方故有是詔 以上續國朝會要 光堯

皇帝紹興二年三月八日詔布衣王大智特授迪功郎
添差樞密院計議官以大智習兵法故命之 三年五

月七日詔迪功郎王忠民特改宣教郎以商虢陝州鎮
撫使翟琮言忠民智通今古識達事機自靖康以來屢

陳軍國造機利害三召不至故有是命 九月十八日

詔以布衣朱敦儒為迪功郎以廣東西路宣諭明素言
面奉聖諭訪求山林不仕賢者敦儒深達治體有經世
之才靜退無競安於貧賤嘗三召不赴故有是命 四

年三月二十五日詔撫州草鄧名世令閤門引見上殿
以吏部尚書胡松年省詳到名世所著春秋四譜六卷
辨論諸說十篇古今姓氏書辨證一十四卷學有淵源
辭亦簡古考訂明切多所按據故有是命後賜進士出
身充史館校勘十一月二十五日詔以布衣王蘋為
右迪功郎以權發遣平江府孫佑言蘋有憂國愛君之
心閤門物成務之學素行高潔上既召見而有是命再命
賜出身為祕書省正字五年十一月六日詔和靖處
士尹焞授左宣教郎堯崇政殿說書左僕射張浚言焞
頃緣叛臣劉豫迫以偽命經涉大河投身山谷自長安
徒步趣蜀乞食門路僅獲生全微獻閤門待制史館修撰

薄

范冲言 煇行義能固故有是命其後引對除秘書郎崇

政殿說書

九年二月八日右諫議大夫李誼言伏見

河南諸路境土初復差遣使輶布宣德音雖拊循將士
存問耆老固在所先然而網羅幽隱振拔淹滯亦不可
後蓋自中原淪陷久隔照臨豈無出衆之材潔身之士
或陸沉州縣與夫高蹈於山林者當此恢復所宜褒采
詔令周聿等蒐訪具名以聞是機陝西路宣諭使周聿
言尋訪到前通判原州致仕朱瑛前知隴州劉允源敦武
郎秦州定西寨兵馬都監鄭洵三人於兵火中各操守
忠義詔未瑛劉允源召赴行在內鄭洵與監獄廟賜銀
絹各一百匹兩

十年二月十七日臣僚言恢復土宇

必以得人材為重兩年以來銜命之使蒞聘甚多固已
得於州縣官僚之間及衆所共知者其有中國淪陷越
在草野伏而不見實為滯淹況山西出將風聲氣俗亦
豈易泯必有英偉豪傑之材今日誠得而用之破於中
原休戚利害既皆深知非特裨贊經理之謀而人望所
歸斯民視之以為嚮慕則愛戴之心愈見其不可解所
有新復州軍專責使者恐隱避幽遠之間尚有埋光鏹
采不求聞達之士更加蒐舉而大用之是乃中興無窮
之計從之二十八年二月七日詔以布衣鄭樵為右
迪功郎經筵官薦樵耽嗜墳籍杜門著書嘗獻之朝廷
故有是命

十一月二十三日敕應天下士人有節行

才識之懿文學術業為鄉里所推重不求聞達者委監
司帥臣同加搜訪每路一二人仍與本處長吏具從來
所為事實所通學術連銜結罪保明聞奏即不得以常
材備數三省再加詢察如非妄舉當議召試擢用三十
一年九月二日明堂赦同此制 以上中興會要 壽

皇聖帝隆興元年三月十四日詔曰朕惟明俊德所以
和萬邦之治舉逸名所以致天下之歸方古先盛時弓
旌之招束帛之賁安車蒲輪之召使阿濶無考槃之人
而臺萊詠得賢之樂朕心慕焉故嗣位之初驛召旁午
凡縉紳之老儒林之秀莫不明揚顯擢布列中外尚念
山林之際漁釣之間豈無荷蓀濯纓之倫飯牛版築之

士或自悔於卜祝或沈痼於煙霞未膺好爵之縻徒劇
冥鴻之慕部刺史二千石其為朕博訪品數搜羅逸遺
其有懷瑾握瑜埋光韞采迹其行實咸以名聞朕將厚
禮特招虛懷延納庶幾得人之盛無媿於前古而致治
之美增光於祖宗不其韙歟咨尔多方其體朕意 乾
道四年七月七日詔遂寧府布衣雍山賜進士出身添
差遂寧府府學教授山志行修潔好學多所通究尤邃
於易守臣杜華老以名聞詔召不起至是守臣張震漕
臣馬騏乞就褒擢乃有是命 九月二十七日詔興化
軍仙遊縣布衣林彖賜進士出身添差興化軍軍學教
授知泉州周葵言彖行義修潔凡六經百氏之書無所

不讀杜門自守不謀婚娶不應科舉所居之鄉鄙惡之
民往往化為良善頃加君命固辭不起乞檢會故事賜
以先生處士之號事同知樞密院事劉珙奏祖宗自有典
故太上皇時曾召臣鄉人胡憲兩召不至賜同進士出
身差本州教授今若召之不来故事可用也再召不起
遂有是命 五年三月二十六日詔郭雍賜號冲晦處
士以湖北帥臣張孝祥等言雍名臣之後父忠孝師伊
川程頤盡得其學雍推原本意著易中庸之書十餘萬
言隱於峽州長陽山下安貧樂道行義高潔乞賜褒擢
故有是命 以上乾道會要

禮遣本書敦遣仁宗嘉祐四年十月十三

日給饗赦書學術行能見推鄉里困於草野是謂遺賢
屬我治朝所宜搜採應天下士人素敦節行兼通學術
又為鄉里所推者委轉運使提點刑獄臣僚同加搜訪
每路各三兩人仍與本處長吏具從來所為事實及所
通學術連書結罪保舉聞奏委中書門下再行詢察如
非妄舉當議特加試用五年十月十四日詔諸路奏
舉有行義文學之士濮州進士李植等二十三人令本
州長吏敦遣赴闕送舍人院試策論各一道仍於明年
三月終已前到闕在路給與奉職驛券候到館於太學
六年五月七日舍人院試諸州敦遣進士徐州顏復

成都府章禕潤州焦千之開封府韓盈荆南府樂京許
州辛廩大名府李朴策論第三等下賜進士出身相州
劉安道安州趙疇卽武軍王景潭州陸湘策論第四等
上賜同進士出身渝州牟載趙州左用策論第四等下
通州隨翊潭州廖倚太原府崔遠策五等並為試秘書
省校書郎先是諸路應教舉者二十三人而濮州李植
道卒岳州顧立有基服梓州章家蜀州張中理處州吳
誠廣安軍蒲伯明趙州吳孜解不就試至是袞等五人
並為試將作監主簿 七月十六日詔諸路轉運使提
點刑獄司比用裕饗赦書搜採天下有節行學術之人
如聞沽飾名譽微進者多非所以厚風俗也其罷之以

上國朝會要

神宗熙寧元年正月二十一日詔潁州

敦遣試將作監主簿常秩赴闕母得受秩辭避章表初
歐陽修等言秩好學不倦尤精春秋退處窮年事親盡
禮不肯碌碌苟合衆人經明行修可助教化宜召至闕
下試觀其能苟有可采特降一官而秩累召不至故有
是命 十一月八日南郊赦書應天下士人有節行才
識之懿濟以學術素為鄉里所推重者委轉運提點刑
獄臣僚同加搜訪每路三兩人仍與本處長吏具從來
所為事實所通學術連銜結罪保明聞奏即不得以常
材備數委中書門下再加詢察如非忘舉當議召試擢
用 三年五月十三日詔諸路長吏准教保明敦遣行

義之士二十九人令九月赴闕仍給驛券料至則館於
太學送舍入院試策論各並一道十月二十一日舍人
院試諸州敦遣人濱州劉蒙處州管師常閩州賈蘊雍
之奇嘉州李達衢州周穎齊州胡鄔論策並第三等下
賜進士出身太原府李抗忠州潭邱之眉州孫潛太原
田籍張由餽州陳舜岳太名府尚景純岳陽軍實恂論
并策第四等上賜同進士出身眉州任通夫邢州國探
荆南伊瑒論策並第四等下並為試銜知縣判司簿尉
時蒙號處士師常等皆進士達通夫試祕書省校書郎
不理選限徽宗崇寧三年六月二十九日詔江寧府
進士侍其壻常州進士鞏寔並令乘驛赴闕以江東兩

浙監

實經行為鄉閭所推故也

主

七月四日常州言

搜訪得進士潘民質博學通經行義純正抱道自處見
重鄉閭乞賜量才擢用遂司今採察得潘民質實有學
行所養恬靜議論操持皆可稱述詔民質發遣赴闕仍
支破遞馬大將驛券政和三年三月八日淮南轉運
等司言壽州壽鄉縣東山隱士李璞孝悌之行鄉里所
推度數之學士人所服幼小以來無意婚宦惡衣糲食
人所難堪而璞安之不以為戚自其父喪居廬東山三
十餘年迄今野處雖樂道忌勢有外方之志然和光同
塵無行慙之迹崇寧五年本州欲以遺逸應詔避之不
就太觀三年又欲以八行應制亦辭之不受若蒙朝廷

原禮旌獎則可以激厲貪競雅厚風俗上助聖化契堪
上件李璞逐司審驗保明委是諸實詔令本州長貳赴
闕仍許乘遞馬沿路依貢士令與進武副尉驛券候到
令辟廡審驗訖召赴都堂審察 九月十三日詔濮州
隱逸王志老令王亶以禮敦遣赴闕與依第二等奉使
格支破人從秦馬人吏親隨等依第三等支賜志老賜
給從義郎遞馬驛券仍許差擔擎兵士三十人許乘輜
給盤纏五百貫與本家先具起發月日申尚書省取旨
賜安泊處所有合帶人多少從便如要水路即仰本州
差撥人舡並仰如法津遣 六年二月十九日詔 州
士人劉棟蔬食葆神虛心契道人之隱奧洞然照知方

書符每有應驗可令敦遣赴尚書省審驗外於上清寶籙宮安下仍給路費驗券遞馬無令失所 宣和元年十二月二十一日知江州劉絳言張頤碧自號海峯閑人近遊行至本州見在開元觀安下得廣成修身之要傳混元抱一之訣伏望特賜詔聘劉絳敦遣赴闕 欽宗靖康元年十一月十一日詔涪陵人譙定赴闕以殿中侍御史胡舜陟言定究極易數逆知人事洞曉諸葛亮八陣法故也 以上續國朝會要 光堯皇帝建炎元年五月一日赦應中外有文武才畧出倫或淹布衣或沉下僚內自禁從外至監司郡守廣行搜訪各舉所知一名舉得其人並行旌擢仍以所舉人移文州縣以禮

敦遣赴行在 七月十二日尚書省言錢伯言召赴行
至滄州遷延未至詔艱難之際人臣義當體國豈可徇
私自便應召赴行在并除授職任人並令吏部三日一
次舉催仍令郎官常切檢舉如尚敢遷延重行黜責錢
伯言令鎮江府揚州疾速津遣 八月十五日詔蜀人
譙定長盧隱士張自牧令守臣以禮遣赴行在定知兵
法曉八陣圖靖康間嘗命以通直郎崇政殿說書自牧
沈毅有謀亦知兵宣和末召至京師不用至是提舉南
京鴻慶宮許翰奏聞故有是命 四年五月十四日三
省言已詔盧法原降吏部尚書謝克家除禮部尚書胡
直孺除刑部尚書李擢除給事中席益胡交修並除中

書舍人辛炳除起居舍人宜加優禮敦遣方時艱難欲
速赴行在恭濟國事仰所在州軍協力應副以稱優禮
之意八月二十六日知建昌軍仇愈奉詔敦遣成忠
郎閤門祇候前權主管建昌軍事蔡延世前來赴都堂
審察十一月十四日知福州程邁言奉詔親詣新除
起居舍人辛炳所居以禮敦遣限三日發赴行在本官
累稱病廢日久供職不得乞備申朝廷詔辛炳依舊宮
觀紹興二年正月二十四日詔徐俯文學行義有聞
於時可特除右諫議大夫令所在州軍疾速敦遣赴行
在十二月十五日詔辛炳常同唐恕張杲在遠之人
恐不能趣赴朝命可令所在州軍各給辦裝錢三百貫

以趣其行上謂輔臣曰士人廉則貪恐不能治行故也
三年三月七日詔布衣蘇庠令鎮江府以禮敦遣赴
行在候到令閤門引見上殿先是台庠赴都堂審察庠
辭以疾故有是詔五月十日詔特補迪功郎王忠民
特改宣教郎令董先候路稍通日津遣赴行在其詳見
舉遺逸門五年十一月六日詔和靖處士尹燁除崇
政殿說書四川宣撫司加禮敦遣赴行在所其詳見舉
遺逸門九年五月二十四日詔前知開封府尉氏縣
姚邦基令東京留守司津遣赴行在所以二京淮北宣
諭方庭實言邦基頃自解官還匿村落聚徒數學廉靖
守節不求祿仕故有是命

六月八日詔華州鄭縣主

薄趙汧河南府登封縣令雙虔穎昌府進士范瑋並令

西京留守司津遣赴行在以二京淮北宣諭方庭寔言

准詔許臣採訪文武才能可備國家之用者汧性剛直

通曉吏事虔為縣豈弟瑋名臣之後故有是命十三

日詔左承奉郎高穎令東京留守司津遣赴行在所以

簽書樞密院事樓炤言穎宣和六年進士及第隱於民

間故有是命以上中興會要壽皇聖帝隆興元年

三月二十七日興化軍守臣及本路監司帥臣列奏仙

遊縣布衣林彖經行詔召不起其秋丞相陳康伯同知

樞密院事黃祖舜賢其所為再取止令監司郡守備禮

敦請就道本軍守丞親具羔鴈詣其廬諭以朝廷搜訪

之意甚厚而畧外遠名利復引疾固辭天下士大夫聞而高之自乾道元年正月一日南郊赦書應天下士人有節行才識之懿濟以學術素為鄉里推重不求聞達者委監司帥臣同加搜訪每路一二人仍與本處長吏具從來所為事實所通學術連街結罪保明聞奏即不得以常材備數委三省再加詢察如所舉不妄當議擢用三年十一月二日六年十一月九日南郊赦書並同此制

八月十二日冊皇太子赦書應州軍有隱逸之士不求聞達者仰長吏採訪具名以聞七年二月八日冊皇太子赦書同此制

五年三月二十六日湖北諸司言陝州長陽寄居河南人郭雍行業深美召赴行在

州郡以禮敦請至於再三力辭不就詔賜號冲晦處士
以上乾道會要